

HOLY SEE PRESS OFFICE
OFICINA DE PRENSA DE LA SANTA SEDE



BUREAU DE PRESSE DU SAINT-SIEGE
PRESSEAMT DES HEILIGEN STUHLS

BOLLETTINO

SALA STAMPA DELLA SANTA SEDE

N. 0061

Sabato 02.02.2002

LETTERA DEL SANTO PADRE ALL'INVIATO SPECIALE ALLA CELEBRAZIONE DELLA X GIORNATA MONDIALE DEL MALATO (VAILANKANNI - INDIA, 11 FEBBRAIO 2002)

LETTERA DEL SANTO PADRE ALL'INVIATO SPECIALE ALLA CELEBRAZIONE DELLA X GIORNATA MONDIALE DEL MALATO (VAILANKANNI - INDIA, 11 FEBBRAIO 2002)

In data 14 gennaio 2002, il Santo Padre ha nominato S.E. Mons. Javier Lozano Barragán, Presidente del Pontificio Consiglio per la Pastorale della Salute, Inviato Speciale alla celebrazione della X Giornata Mondiale del Malato, che avrà luogo a Vailankanni (India) l'11 febbraio 2002.

La Missione che accompagnerà S.E. Mons. Javier Lozano Barragán è composta da:

- Rev.do Sacerdote Alex Vadakumthala, dell'arcidiocesi di Verapoly, Segretario Esecutivo della Commissione per la Pastorale della Salute presso la Conferenza Episcopale dell'India;
- Rev.do Sacerdote Vincent Arackal, della diocesi di Calicut.

Pubblichiamo di seguito la Lettera del Santo Padre al Suo Inviato Speciale:

Venerabili Fratri

XAVERIO LOZANO BARRAGÁN

Archiepiscopo-Episcope emerito Zacatecensi

Praesidi Pontificii Consilii pro Valetudinis Administris

(pro Pastoralis Valetudinis Cura)

Jesus Christus, verus Deus et homo, divinus Thaumaturgus, qui ad homines venit "ut vitam habeant et abundantius habeant" (Io 10,10), cunctis temporibus mittit suos discipulos "praedicare regnum Dei et sanare infirmos" (Lc 9,2).

Incepto autem tertio millennio christianae aetatis, dum multis in provinciis producitur technologicus progressus, eodem vero tempore in mundo augescit numerus hominum qui gravissimis opprimuntur angustiis, morbis, inopia, fame aliisque malis. Haud dubio hoc omnibus christianis maxima est provocatio simulque occasio ut morem ferventer sequantur boni Samaritani, ab ipso Domino Iesu in Evangelio nobis praebitum veluti authenticae exemplar caritatis.

Opportune ergo iam decem abhinc annos a Catholica Ecclesia promovetur Dies Universalis pro Aegrotantibus, qui hoc anno in celeberrimo terrae Indianae sanctuario Nostrae Dominae a Salute Vailankanni celebrabitur, quod Lapurdum Orientis appellatur. Hic eventus optimam praebet occasionem tum de re pastorali pro aegrotantium bono agendi, tum disputandi et pro omnibus infirmis orandi.

Maxima laetitia contemplamur ingens agmen virorum et mulierum, diversis ex religionibus et culturis, qui ubique terrarum sollicite patienterque assistunt omne genus aegrotis et indigentibus. Volumus iis animum facere atque singulari modo memorare hic duas saltem mulieres, Indicae plebi valde acceptas, quae multos per annos omnibus aegrotantibus et moribundis heroice inservierunt: matrem Teresiam de Calcutta, fundatricem Missionariorum Caritatis, nec non beatam Mariam Teresiam Chiramel Mankidiyan, fundatricem Congregationis Sacrae Familiae, quam Anno Magni Iubilaei summo gaudio ad honores altarium exaltavimus.

Persuasum habentes hunc eventum magni ponderis esse, cupimus illic congregatis omnibusque quodammodo eum participantibus Nostram significare caritatem atque in spiritu praesentiam. Quapropter decrevimus illuc dignum mittere Virum, qui Nostram gerat personam Nostramque ostendat benevolentiam. Ad te autem fidentes recurrimus, Venerabilis Frater, qui cotidiana actuositate apud Pontificium Consilium de Apostolatu pro Valetudinis Ministris te sollertem confirmasti teque his Litteris Nostrum **Missum Extraordinarium** ad memoratam celebrationem destinamus.

Liturgicis celebrationibus Nostro nomine praesidebis Nostramque benignam omnibus significabis salutationem. Populum hortaberis ad humilem et constantem erga Dei Genetricem pietatem, ut Ea omnibus, praecipue medicis et valetudinis ministris, a Filio divino gratiam imploret ut custodes sint vitae humanae, cuius fons et unicus finis Deus est (cfr *Ecclesia in Asia*, 35).

Nos vero, Venerabilis Frater, dum legationem tuam Immaculatae Virgini Mariae committimus, Eam precamur ut filios suos illic congregatos cunctosque in mundo aegrotos benigne intueatur uberrimaque eos impleat spiritali consolatione.

Denique Benedictionem Nostram Apostolicam imo ex corde tibi impertimus, dilectis peregrinis omnibusque quolibet modo faustum hunc eventum participantibus peramanter dilargiendam.

Ex Aedibus Vaticanis, die XXV mensis Ianuarii, anno MMII, Pontificatus Nostri quarto et vicesimo.

IOANNES PAULUS II

[00180-07.01] [Testo originale: Latino]
